



MESYUARAT... Pegawai Daerah Beaufort, Wong Foo Tin mempengerusikan Mesyuarat Tindakan Daerah Beaufort yang turut dihadiri Adun Klias, Datuk Azizah Mohd Dun, dan ketua-ketua jabatan negeri dan persekutuan. Azizah berharap projek-projek pembangunan untuk rakyat disegerakan mengikut jadual yang ditetapkan untuk memenuhi aspirasi dan keperluan rakyat. Satu gotong-royong akan diadakan pada 29 Julai bersamaan Jumaat ini di sekitar tasik pekan Beaufort bagi memelihara keindahan dan kebersihannya.

UMS perkenal Sarjana Kejuruteraan Minyak dan Gas September ini

UB 27/7/2011 AF

KOTA KINABALU: Pengajian Kejuruteraan Teknologi Maklumat (SKTM) Universiti Malaysia Sabah (UMS) akan memulakan kursus bagi Sarjana Kejuruteraan Minyak dan Gas bermula September tahun ini.

Program sarjana itu yang pertama di negara ini dan keempat di dunia selepas setiap tahun program akademik dilakukan di Amerika Syarikat, Brazil dan Scotland (United Kingdom), meliputi tiga semester termasuk semester terakhir latihan industri sambil bekerja.

Menurut kenyataan Komunikasi Korporat UMS di sini kelmarin, tujuan memulakan program ini ialah untuk melahirkan sumber manusia yang diperlukan dan lengkap berpengetahuan bagi operasi huluran dan hiliran dalam minyak dan gas.

Teras kursus ini ialah direka dan dibentuk untuk keperluan industri

tersebut dan ciri-ciri penting program tersebut adalah latihan sambil bekerja semasa semester terakhir.

Sebaik sahaja menamatkan pengajian, semua penuntut Sarjana Kejuruteraan Minyak dan Gas akan memperoleh kemampuan pengetahuan yang mendalam dalam proses dan operasi berkaitan minyak dan gas.

Kemahiran amali dan teknikal dalam menjalankan tugas dan operasi berkaitan minyak dan gas, mencerminkan pemikiran yang kritikal, penyelesaian masalah dan pendekatan saintifik dalam menangani masalah dan komplikasi berkaitan minyak dan gas adalah ciri-ciri penting yang diperlukan, tambah kenyataan itu.

Menteri Pembangunan Industri Sabah Datuk Raymond Tan Shu Kiah dijadual melancarkan acara itu Jumaat ini. -Bernama